

二品 左右大臣

三品

四品 大納言 太宰帥 八省卿

〔延喜式^{十八}〕凡諸王諸臣任太政大臣者，不得以親王為左右大臣，但得任八省卿。諸臣任太政大臣者，不得以諸王為左右大臣。親王任左大臣者，得以諸王為右大臣，但親王諸臣不得為左右。

〔官職秘抄^上〕八省卿 中務 式部 兵部 以上必以親王任之 治部 民部^略 以親王被任例

賀陽親王

〔官職秘抄^下〕彈正臺 尹 為親王官

〔類聚三代格^五〕太政官符

應親王任國守事

上總國 常陸國 上野國

右驗中納言從三位兼行左兵衛督清原真人夏野奏狀稱，設置八省職寮相隸，百官守職庶務俱成，一事有闕萬事皆緩。今親王任八省卿，此地望素高，不得就職，無知碎務，仍官事自懈，政迹日蕪，非是庸愚之所致，因地勢使之然也。凡官人遷代必署解由，至有缺物，不免償物，居此之費，見其如此，望請點定數國為親王國，迭任彼國，身留京都，意欲居京官者，一兩人將聽，若有守闕者，不補他人，其料物者，納置別倉，支无品親王之要伏聽。天裁者，正三位行中納言兼右近衛大將春宮大夫良峰朝臣安世宣奉勅依奏，但件等國守官位卑下，宜改定正四位下官，以為勅任，號稱太守，限以一代，不可永例。

天長三年九月六日

〔官職秘抄^下〕諸國 守^略 上總、常陸、上野太守為親王，介為受領，仍歷外記史輩不任之，與親王不可相並之由，二條關白被執之，然而其例多，又近代不及此儀歟。